

Segun Anko Ringeling

AZV ta hayando BAZV, pero cu retraso

ORANJESTAD – Por a tende pa basta tempo caba cu e placa di BAZV cu a drenta na vigor na aña 2014 no a drenta na AZV pa cual aki a papia cu Anko Ringeling cu ta e director di AZV cu a splica kico ta pasa cu e fondo di BAZV.

Introduccion di BAZV no ta significa cu AZV ta haya mas placa, ta e reparticion di financiamiento ta cambia door di e introduccion di BAZV, specialmente e parti di locual cu gobierno ta contribui ta wordo baha pa alivia e peso riba financia publico, esaki ta locual Sr. Ringeling a splica.

Problema identificacion BAZV

Si wak con leu e BAZV ta desde cu el a cuminsa wordo cobra na december 2014, tin un retraso den esey. Nos a wordo splica di Departamento di Impuesto cu e retraso tin di haber cu e hecho cu ora cu a introduci BAZV, el a bay na un manera no mucho bon prepara cual a haci cu e departamento tabatin problema pa separa locual a wordo entrega di e compania, ki parti ta BBO ki parti ta BAZV. Tambe den comienso cu BAZV a wordo introduci, tabatin compania cu no tabata sa con nan meste a paga e BAZV, no

tabatin formulario special pa esey entre otro. Mientrastanto esey a keda soluciona pero tin atraso den e pagonan cu a proyecta hunto cu impuesto cu lo mester haya. E por ta cu esey tin di haber cu e problema cu likides cu gobierno tin te cu aworaki. □

